



Jiwa Merdeka UMPSA 2024

Jiwa Merdeka
Ingin dikhabarkan merdeka itu
Bukan semata-mata bebas dari penjajah

Jiwa Merdeka
Ingin dimaklumkan merdeka itu
Bukan sekadar lagi tidak berperang

Jiwa Merdeka
Ingin difahami merdeka itu
Fikiran tindakan selaras prinsip rukun negara

Jiwa Merdeka
Ingin diajari bahawa merdeka itu
Jati diri tanggungjawab yang perlu dilunasi

Jiwa Merdeka
Ingin dikongsi bersama warga UMPSA
Terbang tinggi perlu beiringan adab

Jiwa Merdeka
Ingin direnungi seluruh lapisan
Erti kesyukuran tingkat tertinggi berterima kasih

Jiwa Merdeka
Ingin disimpan rapi kenangan perarakan
Kontinjen UMPSA semangat bergaya

Jiwa Merdeka
Ingin dikongsi keterujaan dan kesungguhan
Lapisan warga UMPSA bergandingan berbaris

Jiwa Merdeka
Ingin disemarakkan bulan Ogos tiap tahun
Manifestasi semangat mencintai negara

Merdeka Merdeka Merdeka
Malaysia Madani Jiwa Merdeka

Selamat Menyambut Hari Kebangsaan Ke-67



Nukilan:
Jamilah Bebe Mohamad
Pusat Bahasa Moden (PBM)
Universiti Malaysia Pahang Al-Sultan Abdullah (UMPSA)

- 32 views

[View PDF](#)